

հետ (դա առանձին քննության խնդիր է, որին դեռ կանդիդատու-
նանք փոքր-ինչ մանրամասն):

Ծրագիր-խոսքումի կառուցվածքային նպատակը կենտրո-
նացված պատում ստեղծելն է, երբ տարաբնույթ շեղումները հնա-
րավորինս բացառվում են: Որպեսզի չշեղվի բուն նյութից, պատմի-
չը ներկայացվող իրադարձություններին առնչվող, բայց տվյալ հա-
մաբնագրում ոչ այնքան կարևոր որոշ դեպքեր ու իրադարձու-
թյուններ հիշատակում է համառոտ՝ հարկավոր տեղում դրանց
մասին ևս պատմելու **խոսքումով**: Նշենք, որ դա բացի ընթերցո-
ղին խոստում լինելուց, նաև հենց իր՝ պատմագրի համար զուտ
ծրագրային նշում է, որպեսզի այդ դեպքը հետագայում չմոռանա
վկայագրել: Ծրագիր-խոստումը հայ պատմագրության մեջ գերիշ-
խում է հատկապես Մովսես Խորենացու «Հայոց պատմություն»
աշխատությունում և բխում է նրա երկի չընդհատվող երկխոսա-
կան բնույթից: Նրա մեկենասը՝ Սահակ Բագրատունին, իր ցան-
կություններում երբեմն առաջ էր ընկնում, և Պատմահայրը, չխախ-
տելու համար իր աշխատության հյուսվածքը, նրան խոստանում էր
իր ուզածը ներկայացնել համապատասխան տեղում: «Յիւրում
տեղոջ պատմեսցոյք», «ասել կայ մեզ առաջի». այս կարգի ընդմի-
ջարկումները Խորենացու պատմագրքում ամենահաճախ հանդի-
պող ներտեքստային կառուցվածքային միավորներից են²⁰:

Ծրագիր-խոստումի իրականացումը Դավրիժեցին կատարում
է երկու ձևով: Նախ՝ լինում են դեպքեր, որ խոստումն իրականաց-
վում է գլուխներ անց: Այդ կերպ՝ «Յաղագս գալստեան Շահաբա-
սայ թագաւորին Պարսից յաշխարհս Հայոց և ունելոյ զամենայն, և
վարդապետին Սրապիոնի դառնալոյ անդրէն ի տեղի իւր» երկա-
րաշունչ վերնագրով Գ գլխում տված խոստումը՝ «Ձայս Զալալոց
անուանքն յիշեալ եմք յառաջիկայդ ի մէջ ճառին, որ վասն սովին

²⁰ Տե՛ս, օրինակ, **Մովսես Խորենացի**, Հայոց պատմություն, էջ 50, 56, 170, 198, 254, 280, 442 և այլն: